

## **MEMORIA XUSTIFICATIVA DO CONVENIO DE COLABORACIÓN ENTRE A CONSELLERÍA DE EMPREGO, COMERCIO E EMIGRACIÓN E A FUNDACIÓN LABORAL DA CONSTRUCCIÓN DE GALICIA PARA O DESENVOLVEMENTO DO PROXECTO BENSEGURO**

Á Consellería de Emprego, Comercio e Emigración, a través da Secretaría Xeral de Emprego e Relacións Laborais, conforme ao establecido no Decreto 147/2024, do 20 de maio, polo que se establece a súa estrutura orgánica (DOG 101 do 27/05/2024), correspóndelle a promoción, a coordinación e a execución das competencias da Comunidade Autónoma en materia de prevención de riscos laborais, así como o establecemento de vías de colaboración e cooperación técnica e institucional con organismos e institucións con competencias na materia, sen prexuízo das competencias que a lexislación vixente lle atribúe ao Instituto de Seguridade e Saúde Laboral de Galicia (ISSGA).

O ISSGA, pola súa parte, inclúe entre as súas funcións, en concreto, a colaboración e cooperación en materia de prevención de riscos laborais con outras administracións públicas, entidades públicas e privadas e corporacións locais.

A Consellería de Emprego, Comercio e Emigración conta con diversas estratexias de seguridade e saúde no traballo que constitúen os instrumentos para establecer o marco xeral das políticas de prevención, que se configuran como ferramentas a curto e medio prazo e permiten a continua revisión e actualización destas políticas segundo a demanda da dos distintos sectores de actividade, tecido produtivo, os riscos emerxentes e, en xeral, adaptarse aos cambios e innovacións técnicas e normativas nun ámbito en constante evolución. Con ditas estratexias búscase fortalecer a implicación das institucións e de todos os actores na mellora da seguridade e saúde no traballo a través, entre outros instrumentos, da sinatura de convenios de colaboración, como é o presente caso.

Unha das maiores preocupacións da administración autonómica en materia laboral é a siniestralidade, moi presente especialmente no sector da construción e, dentro deste, especialmente, en empresas de pequeno tamaño e en obras menores.

Por iso, é necesario recorrer a todos os recursos posibles para a consecución da redución das cifras actuais, incluíndo a colaboración con entidades como a Fundación, que conta cunha consolidada experiencia en materia de prevención de riscos, e conseguir con elo o maior grado posible de concienciación das empresas nesta materia.

Para elo, considérase que o instrumento máis axeitado para levar a cabo esta colaboración é a do convenio.



A ausencia dun ánimo de obtención de beneficio industrial ou mercantil fai que neste caso non nos atopemos ante a figura dun contrato, posto que se trata dunha colaboración que ten por obxecto a realización dun proxecto (proxecto Benseguro) no que non existen intereses contrapostos entre as partes nin tampouco onerosidade, paricipando os asinantes conxuntamente dos resultados derivados da realización daquel.

Do mesmo xeito, non é posible promover a concorrència pública por ser a Fundación a única entidade no sector da construción destas características no ámbito territorial galego; existe asemade unha singularidade da colaboración, pois o obxecto do convenio require unha colaboración estreita e continuada entre a Consellería e a Fundación, que vai máis alá da mera prestación de servizos ou da concesión dunha axuda económica.

No presente caso, nos atopamos ante unha inversión que ten por obxecto a adquisición dun activo inmaterial pola administración autonómica, actividade cuxos resultados serán de titularidade conxunta dos asinantes do convenio.

A natureza da colaboración e os seus obxectivos responden directamente ao interese público de mellorar a formación das empresas en materia de prevención de riscos, contribuíndo deste xeito de modo claro á redución da siniestralidade laboral, o que xustifica a elección dunha fórmula de colaboración directa.

O obxecto deste convenio é establecer as condicións e compromisos de colaboración entre a Consellería de Emprego, Comercio e Emigración e a Fundación Laboral da Construción de Galicia nas que se desenvolverá o proxecto Benseguro, cuxa finalidade principal é a de minimizar a siniestralidade laboral no sector da construción, con especial importancia das obras menores.

A execución das actuacións que contempla este convenio ascende a un total de 200.000 euros, dos que a Consellería de Emprego, Comercio e Emigración achegará á Fundación a cantidade máxima total de 120.000 €, de acordo coa memoria económica que forma parte deste expediente. Así, a achega da Consellería de 120.000 euros representa o 60% do investimento, comprometéndose a Fundación a aportar o 40% restante.

O período de vixencia do presente convenio comezará o día da súa sinatura e estenderase ata o 30 de abril de 2026, sen prexuízo da posibilidade, por acordo das partes, de prorrogar expresamente o dito prazo por períodos de duración anual, previo cumprimento dos trámites orzamentarios, ata un máximo de catro anos.

Asinado dixitalmente en Santiago de Compostela

O secretario xeral de Emprego e Relacións Laborais

Pablo Fernández López

